

Lan-eskaintzen erregistroa 2020ko ekainean

ERREGISTRATUTAKO LAN-ESKAITZA KOPURUA

2020ko ekainean Euskal Autonomia Erkidegoko enplegu-bulegoetan erregistratutako lan-eskaintzen kopurua 748 izan da, maiatzean baino 335 gehiago eta joan den urteko ekainean baino 849 gutxiago. Egunean batz bestez 34 eskaintza erregistratu dira, aurreko hilean baino 14 eskaintza gehiago egunean. Hilabete honetako datuak ezin dira ulertu Covid-19ak sortutako krisia eta ondorengo alarma egoera kontuan izan gabe. Hala ere, datuak apirilekoak eta maiatzekoak baino hobeagoak dira; hori dela eta, hilabete arteko portzentajeen bilakaera positiboa da, eta kasu askotan, igoera altua da, abiapuntua oso baxua baita; aldiz, urte arteko bilakaera negatiboa da.


• LURRALDE HISTORIKOAK

Kudeaketako Administrazio Unitatearen (KAU) lurralde historikoari erreparaturaz, 2020ko ekainean 130 lan-eskaintza erregistratu dira Araban, 273 Gipuzkoan eta 345 Bizkaian. Lan-eskaintzen % 46,1 Bizkaiko KAUetan erregistratu dira, % 36,5 Gipuzkoan eta % 17,4 Araban.

Aurreko hilabetearekin alderatuz, Araban % 91,2 hazi dira eskaintzak (62 eskaintza gehiago), Gipuzkoan % 87,0 hazi dira (127 eskaintza gehiago) eta Bizkaian eskaintza igoera % 73,4koa izan da (146 eskaintza gehiago).

Aurreko urteko hilabete berberarekin alderatuz, Araban 42 eskaintza gutxiago erregistratu dira, % 24,4ko murrizketa; Gipuzkoan eskaintza kopurua 389an jaitsi da, % 58,8ko murrizketa, eta azkenik, Bizkaian 418 eskaintza gutxiago izan dira, % 54,8ko murrizketa.

Eskaintzaren Lurralde Historikoa



• LAN-ESKAITZAKO LANBIDEA

Bost lanbide-profilek biltzen dituzte EAEn erregistratutako lan-eskaintza gehienak. 4 eskaintzeko 1, industriako eta laguntza teknikarien lanbide-profilerako erregistratu dira (138 eta 137 eskaintza, hurrenez hurren). Zerbitzuko lanbide-profilen, okupazio ez kualifikatuen eta laguntzarako teknikarien lan eskaintzak, ere, pisu nabarmena dute; 133, 122 eta 102 eskaintza erregistratu dira, hurrenez-hurren. Lan-eskaintza gutxien erregistratu diren profilak zuzendariena eta lehen sektorekoena izan dira, 2 eta 11 eskaintza, hurrenez hurren.


Aurreko hilabeteko datuekin alderatuz, eskaintza guztiak igo dira, zuzendariena izan ezik (2 eskaintza gutxiago). Bai balore absolutuetan, bai erlatiboetan, laguntza teknikarien profilekoak izan dira gehien hazi direnak (88 eskaintza gehiago, % 179,6ko hazkundea).

Urte arteko saldoari erreparaturaz, eskaintza guztiak jaitsi dira, lehen sektoreko profilekoak izan ezik (5 eskaintza gehiago). Zerbitzu profileko eskaintzak izan dira gehien murriztu direnak balore operadoreenak izan dira (%68,4ko murrizketa, 95 eskaintza gutxiago).

Lan-eskaintzen erregistroa 2020ko ekainean

• K O N T R A T U M O T A


Erregistratutako lan-eskaintzen % 11,9k kontratu mugagabea eskaini dute; % 86,8k, aldi baterakoa, eta, gainontzeko % 1,3k, merkataritzakoa. Balio absolutuetan, kontratu mugagabeen eskaintzak 89 izan dira, 43 gehiago aurreko hilabetearekin alderatuz, %93,5eko hazkundea. Aldi baterako kontratuak eskaini dituzten 287 eskaintza gehiago erregistratu dira: 649 eskaintza izan dira guztira. Kopuru erlatiboetan hazkundea % 79,3koa izan da. Azkenik, merkataritzako kontratuen eskaintzak 2020ko ekainean 19 izan dira, aurreko hilean baino 5 gehiago.



Urte arteko saldoari dagokionez, kontratu mugagabeen eskaintzak 63 gutxiago izan dira (%41,5ko murrizketa), aldi baterako kontratuen eskaintzak %55,0 murriztu dira; 792 eskaintza gutxiago, eta, merkataritzako kontratuak, aldiz, 6 gehiago izan dira.

• E S K A T U T A K O E S P E R I E N T Z I A - D E N B O R A

2020ko ekainean erregistratutako lan-eskaintzen 2 heren baino gehiagok (543 eskaintza) 0tik 6 hilabete arteko esperientzia minimoa eskatzen dute. Eskaintzen % 13,8k (103 eskaintza) esperientzia-denbora luzeagoa eskatzen du, 6 hiletik 12ra artekoa. Portzentaia txikiagoak dituzte esperientzia-denbora luzeagoak eskatzen dituzten eskaintzek; 3 urtetik 5 urtera eskatzen dutenek eta 5 urtetik gorako esperientzia eskatzen dutenek; lehenengok % 2,5ko pisua dute (19 eskaintza) eta 5 urtetik gorakoen kasuan, aldiz, 2 eskaintza izan dira hilabete honetan.



Hilabete arteko eboluzioari dagokionez, eskaintza mota guztiak hazi dira. Gehien hazi direnak, bai balore erlatiboetan, bai balore absolutuetan, 0 eta 6 hilabete arteko esperientzia eskatzen dutenak izan dira, lan eskaintzen kopuru esanguratsua dutenen artean (% 99,6ko igoera, 271 eskaintza gehiago).


Urte arteko eboluzioari dagokionez, bilakaera ondorengoa izan da: eskaintza guztiak murriztu dira eskatutako esperientzia denbora edozein izanda ere. Gehien murriztu diren eskaintzak 0 eta 6 hilabete arteko esperientzia eskatzen dutenak izan dira balore absolutuetan (646 eskaintza gutxiago, % 54,3ko murrizketa); balore erlatiboetan, aldiz, 6 eta 12 hilabete arteko esperientzia eskatzen dutenak izan dira (% 60,5 murrizketa, 158 eskaintza gutxiago).

Erregistratutako eskaintzek, batez beste, 7 hileko esperientzia eskatzen dute.

Lan-eskaintzen erregistroa 2020ko ekainean

• LANALDI MOTA

Analisiarekin hasi baino lehen, esan beharra dago ez dutela erregistratutako eskaintza guztiek zehazten zein izango den lanaldi mota: soilik eskaintzen % 14,0k zehazten du datu hori (748 eskaintzetatik 105). 105 eskaintza horietatik, 83 lanaldi osoa eskaintzen dutenak izan dira, eta, gainontzeko 22k, lanaldi partziala eskaini dute.



Eboluzioari dagokionez, lanaldi osoko eskaintzak 38 gehiago izan dira maiatzarekin alderatuz, hau da, % 84,4 hazi dira. Lanaldi partzialeko eskaintzak 10 gehiago izan dira; hazkunde erlatiboa % 83,3koa izan da.

Aurreko urteko hilabete berberarekin alderatuz, eboluzioa hurrengoa da: lanaldi osoko eskaintzak 201 gutxiago izan dira (% 70,8ko murrizketa), eta lanaldi partzialeko 32 eskaintza gutxiago erregistratu da (% 59,3ko murrizketa).


• ALDI BATERAKO LANERAKO ENPRESAK (ABLE)

Erregistratutako eskaintzen % 0,3 izan dira ABLEen bitartez kudeatu direnak, 748 eskaintzetatik 2, aurreko hilean baino eskaintza bat gutxiago.

• ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 85,4k ez du zehazten zein den eskatutako prestakuntza maila minimoa: 748 eskaintzetatik 109k soilik zehaztu dute.

Eskatutako gutxieneko prestakuntza maila



109 eskaintza horietatik, 46k LHko prestakuntza maila eskatu dute (% 42,4); gehien eskatu den prestakuntza maila izan da. Horiei jarraituz, unibertsitateko ikasketak eskatzen dituzten eskaintzak daude, 31 eskaintza. Ondoren, oinarrizko ikasketak eskatzen dituztenak daude 23 eskaintzekin. Azkenik, batxilergoko ikasketak eskatzen dutenak daude, 9 eskaintza, erregistratzeko orduan adierazle hau zehaztu duten 109 eskaintzen artean.

Hilabete arteko erlazioari erreparatuz, eskaintza guztiak igo dira edozein dela ere eskatutako prestakuntza maila. Gehien hazi diren eskaintzak, balore absolutuetan, LHko ikasketak eskatzen dituztenak izan dira (28 eskaintza gehiago, %155,6ko hazkundea); balore erlatiboetan, aldiz, batxilergoko ikasketak eskatzen dituztenak izan dira (% 800,0ko hazkundea, 8 eskaintza gehiago).

2019ko ekainarekin alderatuz, eskaintzak mota guztiak murriztu dira. Gehien murriztu direnak bai balore absolutuetan, bai balore erlatiboetan, LHko ikasketak eskatzen dituztenak izan dira (53 eskaintza gutxiago, % 53,5eko jaitsiera).

Lan-eskaintzen erregistroa 2020ko ekainean

• ESKAINTZAREN JARDUERA

EAEko enplegu-bulegoetan erregistratutako lan-eskaintzen kopuruari dagokionez, gehien nabarmentzen diren jarduerak manufaktura-industria, merkataritza osasun jarduerak eta eraikuntza dira, eskaintzen %15,0ko, % 14,6ko, % 11,1eko eta % 10,2ko pisuarekin, hurrenez-hurren (112, 109, 83 eta 76 lan-eskaintza, hurrenez-hurren).

Aurreko hilari erreparaturik gero, gehien hazi diren eskaintza motak, balore absolutuetan, merkataritza eta manufaktura industriakoak izan dira (50 eta 44 eskaintza gehiago, hurrenez-hurren, % 84,8 eta % 64,7ko hazkundeak). Balore erlatiboetan, aldiz, hezkuntza eskaintzak izan dira (% 410,0ko hazkundera, 41 eskaintza gehiago). Higiezinaren jardueretan (4 eskaintza gutxiago) eta energia horniketan (eskaintza bat gutxiago) eskaintza kopurua murriztu egin da.

Urte arteko saldoari erreparaturik, eboluzio okerreana pairatu duten eskaintzak, balore absolutuetan, manufaktura industriakoak izan dira (163 eskaintza gutxiago, % 59,3ko murrizketa); aldiz, balore erlatiboetan, ostalaritza eskaintzak izan dira gehien murriztu direnak, eskaintzen kopuru esanguratsua duten jardueren artean (% 70,6ko murrizketa, 89 eskaintza gutxiago).

